

四庫全書

史部

欽定四庫全書

史部

欽定南巡盛典卷首

詳校官國子監學正臣常循

欽定四庫全書

欽定南巡盛典卷之十一

御製南巡記

乾隆四十九年三月

舉大事者有宜速而莫遲有宜遲而莫速於宜速而遲必昧機以無成於宜遲而速必草就以不達能合其宜者其惟敬與明乎敬者敬

天明者明理敬

天斯能愛民明理斯能體物千古不易之理也予臨御五

十年凡舉二大事一曰西師一曰南巡西師之事所為
宜速而莫遲者幸賴

天恩有成二十餘年疆宇安晏茲不絮言若夫南巡之事
則所為宜遲而莫速者我

皇祖六度南巡予藐躬敬以法之茲六度之典幸成亦不
可以無言我

皇祖蕩蕩難名予藐躬瞠乎景仰述且弗能作於何有然
而宜遲莫速之義則不可不明示予意也蓋南巡之典

始行于十六年辛未是即遲也南巡之事莫大於河工

而辛未丁丑兩度不過勅河臣慎守修防無多指示亦

所謂遲也至於壬午始有定清口水誌之諭

向來河臣率皆靳拊

清口恐干多費工料之議洪湖盛漲則開五壩下河一帶無歲不被偏災自壬午三次南巡始定高堰五壩水誌高一尺清口即開放十丈為準俟秋汛後洪湖水勢既定仍如常接鑲口門嗣是河臣恪守此法數十年來下河免受水患丙申乃有改遷陶莊河流之為

向來清口每慮

田廬並資保護

黃水倒漾康熙已卯春

皇祖南巡

親莅河干

閱視形勢

命於清口迤西隔岸挑陶莊引河

蘆黃

使此因河臣董安國開放過早施復淤墊其後庚辰辛巳壬辰甲午以及雍正庚戌歷命大臣會同河臣

欽定四庫全書

卷一百一十五

家言上

籌勦批辦功迄未就嗣以黃水倒灌舍間陶莊引河更無善策丙申春諭令河臣薩載詳悉履勘繪圖貼說往返指示即於是年秋興工至丁酉仲春歲事開放新河大溜暢達既免黃流倒漾之虞兼收清水刷沙之益因命建河神廟以答神祐詳見御製碑記

庚子遂有改築浙江石塘之工

浙江海塘自戴家橋迄西皆柴塘不足資鞏護庚子南巡親臨閱視因飭該督撫于老鹽倉一帶改建魚鱗石塘仍諭今存留舊有柴塘以為重門保障辛丑壬寅等年陸續採辦石料勘估建築至癸卯八月該督撫富勒渾福崧等奏報石塘三千九百四十丈全行告竣

今甲辰更有接築浙江石塘

之諭

浙江海塘老鹽倉一帶魚鱗石塘雖已全竣而章家巷以西惟藉范公塘土隄一道衛護形勢單薄

不足以資捍禦因先期傳諭該督撫詳晰籌畫採石鳩工茲甲辰南巡親臨指示不惜百餘萬帑金降旨一律

接築石塘俾濱海至於高堰之增卑易磚庚子南巡閱視高家堰工

點黎永資樂利

據薩載請將三堡六堡等卑矮磚工加高予以磚工完

不若石工之經久因命毋惜帑費一律改建石工分年

修甃以異徐州之接築石堤並山丁丑壬午乙酉三次南巡均至徐城閱視

永遠鞏固河工形勢次第籌辦添甃石堤俱用石十七層以資鞏

固其舊有石工三段長九百七十餘丈較之丁丑新建

石堤短少二三層於庚子南巡時命嵇璜薩載會勘一

律加高十七層又自韓山至奎山一帶向止土堰茲亦

一律接築石堤四百五十丈無不籌度咨諏得宜而後

直連山脚俾濱河永保安居

行是皆遲之又遲不敢欲速之為夫臣之事君其有知

不可而強諍者鮮矣河工關係民命未深知而謬定之

庸碌者惟遵旨而謬行之其害可謗言哉故予之遲之又遲者以此而深懼予之子孫自以為是而後之司河者之隨聲附和而且牟利其間也與其有聚斂之臣寧有盜臣在他事則可在河工則不可河工而牟利宣洩必不合宜修防必不堅固一有疎虞民命繫焉此而不慎可乎然而為君一二日萬幾胥待躬親臨勘而後剔其弊日不暇給焉則仍應於敬

明理根本處求之思過半矣予之舉兩大事而皆幸以

有成者其在斯乎其在斯乎若夫察吏安民行慶施惠
羣臣所頌以為亟美者皆人君本分之應為所謂有孚
惠心勿問元吉予嘗以此自勗也至於克己無欲以身
率先千乘萬騎雖非扈蹕所能減而體大役衆俾皆循
法而不擾民亦亟其難矣斯必有以振其綱而挈其要
然後可以行無事而胥得宜寔總不出敬明兩字而已
故茲六度之巡撫諸皇子以來俾視予躬之如何無欲
也視扈蹕諸臣以至僕役之如何守法也視地方大小

吏之如何奉公也視各省民人之如何瞻覲親近也一有不如此此可言南巡而西師之事更不必言矣敬告後人以明予志

臣等伏讀乾隆四十九年

御製南巡記大哉

皇言式型海寓維時恭遇我

皇上六巡江浙

駐蹕行軒

親灑宸翰凡先後

時巡要旨煥乎如揭日月而行仰見

聖天子敬

天法

祖之鴻規

奎章彪炳永垂萬禩矣臣等竊由

御製遲速之論恭繹

平定兩金川準噶爾回部方略

聖謨

睿算疊奏

膚功悉與

記文宜速莫遲之訓相脗合臣等愚昧之見既已曠若

發矇茲恭纂

南巡盛典凡察吏安民行慶施惠諸大政見於

省方時者至鉅至隆寔為曠古所未有而尤於河防海

塘之修治仰窺

鴻猷碩畫悉本諸

宵旰之憂勤其間

親臨相度

指示機宜自辛未以迄甲辰行之以漸要之以久然後

長慶安瀾而益臻康乂誠有如

聖訓所謂宜遲莫速者而

宸衷淵默猶兢兢於敬

天明理之本原則所謂

皇極之敷言是彛是訓于

帝其訓者無以加茲而諸臣之稟承

聖諭宣力効勤要不過是訓是行以仰副

高深於萬一爾臣等纂輯

盛典成書謹遵

旨恭錄

御製南巡記及乾隆三十六年

御製南巡盛典序冠諸簡端實足以總全書之綱領為

萬世之法式云臣阿桂臣和珅臣王杰臣薰誥臣
福康安臣慶桂拜手稽首謹跋

欽定四庫全書

卷首上

御製南巡盛典序 乾隆三十六年正月

南巡盛典之作非朕志也兩江總督高晉輯書既成始以入告念已成事不可止第南巡所經非獨江南也若他省踵為之不益繇且贅乎遂下軍機大臣議則請令浙江山東直隸督撫錄其事系南巡者裒付高晉都為一書斯體脩而文省乃俞之越歲而薈纂歲事復郵進以序請朕惟南巡之典亦適率我

皇祖成憲祇奉

慈寧宣祺導豫而民隱遐阻以勤以安不自暇逸廼肇自
冀克達于淮海之域溯乾隆辛未以暨乙酉蓋四莅焉
於凡風土之物宜吏治之善否民生之利病既諏覽而
規措之而所在耆庶婦孺臚懽祝

釐前于後喁跼項相望繄茲林總親愛之誠每見益摯然
敬惟

聖母春秋高而江浙經涂數千里頓置煩數非所以適
頤養也爰於四巡迴轔時面勅東南諸大吏勿更以南巡

顧亦既衆喻之矣輯書者顧因是有言曰曩者鑒輅時
至慶惠迭行淪浹肌髓茲臣民顙跂懇款既弗克申則
鴻典茂儀非是莫紀愷澤良政非是莫著碩畫深遠非
是莫循大文炳鑠非是莫脩予曰不然朕法

祖省方承

志尊養惟其實不惟其文若夫慶賜所頒治要所舉咨度
所周罔不布在詔令洽于人心而觀風察聲以時廣識
大者揭諸石餘亦鈐詩文各集中尚不欲與文士競短

長奚以是敷陳。扼推為哉。惟是翁河遵海。係於澤國。民寧者。綦鉅。朕親履相度。定清口水誌。以衛下河。培海塘。坦簍。以驗沙漲。與夫徐州之隄。微湖之牖。及諸河防興作。皆漸於灑澹。康又綜而編纂之。俾有司知所稽式。亦固其宜。且使諸有土大小吏。憬然於巡守本意。各慎厥職。阜厥民。不啻朕之入疆。考詢毋忘。毋怠。而朕幾暇披覽及之。亦不啻蒼赤之瞻。就依應時在目前。則是書又未嘗不可作。然朕之志實在彼。而不在此。序而付之。剗

廟則從

皇祖序幸魯盛典例也

恭進

欽定南巡盛典表 乾隆五十六年十二月初八日

臣等奉

勅纂輯

南巡盛典書成謹奉表恭

進者伏以

乾符握健帝車運為柄之衡

皇極敷彞寰庶殷近光之願

省方設教象中正以大觀

申命隨風取潔齊於重吳是以負書荷劒軒裳訪道
之踪刻玉披圖虞采紀遊之牒五嶽則文傳科斗
禹迹方行雙魚則輯瑞竹書湯馳不越然欲嵩瀛
效祉開椿竿之

八旬虹電揚暉衍瓜祥之

五代三千里河清海潤億姓孚顒五十年陽煦春涵
六輶懋舉篋乎尚矣未有如

今日之盛也欽惟我

皇上福基如範

勤勅堯幾

合運會世而統於元璿圖虔鞏

得位祿名以歸之壽泰筴洪延疆開慈雪之途鴈臣

北嚮聲訖居風之國戴瘴南諧

業業兢兢使安益安而治益治

巍巍蕩蕩非道可道而名可名蓋惟

不息自強

無逸作所東西朔南暨即康常厘民依雨暘燠寒時

屢省時勤

法駕敷天衷對升中則鬱視高山向海朝宗登祇則津

連析木依京遼瀋瞻

王迹於肇基祝嘏臺懷普佛光於慧照

帝謂淮海維揚州之域尤切疇咨人思天日為

聖人之容倍深望

幸粵自辛未之歲聚於甲辰之春四奉

慈寧六繩

祖武宵雅卷阿之詠車庶馬閑青陽月令之辰布德和令
春祺首路井厘披三輔之圖雨蓋隨車

綸綍下十行之詔歌聞夏諺自纓笏以及士民景媚春
臺由齊魯而達吳越

躬臨瀆澁

面授宣房定水誌以瀉懸洪壩開十丈徙引河以疏倒

漾沙刷幾層易三堡六堡之磚工建魚鱗而甃石
相韓山奎山之土堰改鴈齒而築堤溯自絕域探
源視星槎而更遠方茲鉅工底績蹇莢玉而無勞
載

莅瀛壖實屏浙水始老鹽倉而新建三千丈列碣重門
接范公塘以增修百萬金鳩材庀事東南保障耕
桑樂業于嘉湖南北漲坍薪隄收功於龕赭河千
里一曲波平竹箭之流海百谷之王壑淨鯁鮪之

彩此皆

求寧乙夜惟遲又遲而斯合機宜所由效順寅方雖難
乎難而悲臻美善者也若夫

恩覃輦道

惠洽編黎裕粒食于茨檐每蠲丁賦厘芻糧於衲服重
賚鏹金道右鳩筇扶杖而寵沾穀帛班行鷺侶結
綬而

褒被璽書第詞賦于青衿榮擢桂譜軫誦絃於白屋額

擴芹宮

頒天上之寶書瑤華遠載起水心之延閣壁府分儲日
觀雲璽碑隱則禮成檢岱金絲玉簡淵源則道契
升堂而況黜供頓之華

儉惟仍舊給堊丹之費

錫有頻蕃剪燭

安艦甌牘必勤夫

批荅鋪菜綺陌湖山盡入于

賡吟風麗日暄帶陽春之有脚壤韶轅護福函夏以無
方是以萬祥應圖三靈蕃祉宜蠶宜稻合春鋤秋
杼以綏豐壽世壽人偕東棗西桃而獻瑞河如明
鏡榮光生貝闕之宮海不揚波息浪逮麟州之水
憑江魚而送喜飛章正達夫

屬車快若木之凝華

潢胄又添夫奕葉紀歲陽於先庚後甲

天行符三日之期

宅皇心于夕惕朝乾

時成合六陽之數允宜丹青流絢臚萬國之歡心翠琬
鐫芳作億年之盛典臣等才慙塵代識陋扣槃展
渥慶於鴻儀先豫遊而誌喜扈末班于

豹仗親

指授而宣謨且也恭繹

奎文竊揆

宸念揭敬明之兩字事並大於西師

頒稽式為一書典亦從夫

幸魯考前次量臣經進曾褒甲乙之編欣今茲策府重新

櫟括

時幾之勅分門析類昉自卿雲晨露之歌旨遠詞文陋

彼白鴈赤麟之瑞敬呈

御覽伏候

睿裁一百卷琅函增秘

皇春並煥乎文章

萬六載壽寓方新華祝同深夫衢壤佇見化騰雪徼豈
特江州海島被入疆有慶之

隆庥從茲珍弄蘭臺庶使登岱翁河闡揚厲無前之
偉績臣等無任瞻

天仰

聖激切屏營之至謹奉表恭進以

聞

進

南巡盛典前編表

兩江總督高晉等謹撰
附錄

臣等誠懼誠忤稽首頓首上言伏以哲后勤民首
重巡方之大典盛王建極式昭輯瑞之隆文紀刻
玉於堯年榮河煥彩考披圖於舜陞卿霽騰輝禹
功載自塗山慶四方之和會周頌歌夫喬嶽朝萬
國之衣冠並皆著美於詩書允足垂光於史冊盖
惟法天行以緯化長綿不息之神順輿望以宣猷

大沛如春之澤皇王一轍今古同符非如賜酺殿
庭僅綴頌揚之什銘功泰岱但傳封禪之書者也
洪惟

聖祖仁皇帝

恩覃九有

化洽三無

問俗東南一德慶廣颺之盛

采風江海六巡行補助之文既兩大之同流實萬年之

垂裕欽惟

皇帝陛下

治煥重離

功符出震巍巍蕩蕩仰

帝德之難名繼繼承承紹

鴻圖而大振纘

列聖無窮之統緒丕冒海隅日出之間擴

前王未有之版章宣威月竈天方而外既憲

天以祇事三靈叶大順之祥爰率

祖以攸行萬葉肇貽謀之善自

御極之十六載暨於三十年四勤

法駕敬奉

安輿欣愛日之舒長洽敷天之衷對

九重隆孝治脩尊養以豫

慈寧五載重時巡合瞻就而申華祝時則春風鼓盪晴日

暄和

青旗徐展於京郊

彩仗遙迎於鎮嶽經鄒魯以臨吳地道路騰歡由淮
甸而莅海邦神靈効順迓

六飛之四幸欣瞻九九

龍車呼

萬歲之三聲競拜雙雙

豹尾則有十行

溫詔施雨露以均霑五色祥雲捧

絲綸而下逮

天章炳煥懸日月之輝煌

睿藻繽紛燦雲霞之綺麗或蠲租免賦而三年蓄積益
擅豐盈或

賜帑留漕而四省倉箱倍資饒裕若夫河光獻瑞開億
萬年底定之勲海水恬瀾貽千百世奠安之福並
荷

宸謨之指畫屢蒙

聖訓之周詳載圖繪以流傳著堤塘之鞏固至於燭柴
望秩懷柔次及於百神賞爵褒功繒帛遞加於三
老擢英才於五字

講幄揆文陳大閱於六師

行圍奮武通程達於水陸導先記里之車考名勝於
山川用佐輿圖之志以及廷臣之奏疏大吏之敷
陳莫不上達

聖聰仰邀

天鑒是惟我

國家太和洋溢治化光昭

閭澤旁流

湛恩普被百數十年重熙累洽天下同風二萬餘里納

款輸誠太平一統

皇上於以上繩

祖武俯順民心歡情連異究之區喜氣徹斗牛之域青疇

綠野競傳夏諺之聲白叟黃童徧洽春臺之樂固

並王謨帝典垂萬古以常新應同玉檢金函壽千
秋而不朽臣等欽承

俞旨彙集纂修自畿輔而三齊越江淮而兩浙恭載

四巡大典用昭萬世宏謨類分一十二門帙成百二十

卷輕塵益岱祇慚螽測管窺弱霧輸溟敢擬皋颺

益之伏願

璇圖永固

金鏡高懸玉軸牙籤

宸覽每勤於乙夜松憲雲棟

審裁遍訪於酉陽錫

御製之序文脩珍藏於琬琰彰

聖朝之典則耀符采於星辰祝

萬壽以無疆日升川至荷

一人之有道海晏河清百福呈祥集三多而受祉九如

衍慶並萬寶而登豐則近光者喜溢燕雲詎惟浙

水東西歲歲企

省方之駕被潤者澤覃魯甸不特大江南北年年懷望
幸之情矣臣等無任瞻

天仰

聖踴躍懼忤之至謹奉

表恭

進以

聞

欽定四庫全書

朱
首
上

進

南巡盛典續編表

兩江總督薩載等謹撰
附錄

臣等誠懼誠忤稽首頓首上言伏以瑞炳璿圖軒
后垂裳而播化祥凝翠牒伊耆刻玉而承庥修禮
器於虞書山川奠績徵豫遊於夏諺箕畢臚歡雲
祇肅天乙之壇獻令傳於子籙和會著姬宗之憲
懷柔溯自周京莫不彪彩金函泰媪賚十華之券
蜚文碧檢員靈恢九圍之符綿寶祺以揚徽燦縹

囊而紀實從未有

乾行協健乘五位而鷹輅彌勤

離照懸輝馭六飛而龍光載錫如

今日者也欽惟

皇帝陛下

巍煥崇模

清寧合撰

撫辰調燭暢八表之淳風

握鏡陳樞萃三靈之榮貺

聲教被蜩涓蠖護亭毒均敷

德威震烏訢狼脍版章式廓宏堂構而敬繩

祖武時乃有功

軫宵旰以廣裕民寧所其無逸四勤

灋駕溯重光以迄旃蒙載啟

鑾輿繇畿輔而臨江介

隆施茂浹

聞澤旁霑裒

盛典以成書卿霑絢赤文綠字弁

奎章而錫序榮光耀錦贍牙籤固已炳炳麟麟邁岱嶺
雲封之紀豈直熊熊奕奕婉峒山虹宛之文猶復
俯眷輿忱屢慰蒼黎之嚮日頻勞

睿慮親籌河海之安瀾爰自庚子初春更屆甲辰紀歲
翠華重莅歡騰萬姓嵩呼

玉輅時巡慶溢九衢華祝下金隄之竹榭靈源探噶達

素而西甃錦石之鱗塘巨障鞏老塩倉以下風恬
河曲龍堂偃千里之波日麗瀛壖鯤壑靜三疊之
浪

念絲粟皆闕民力

特頒少府之金

謂糧芻悉本田功預截

神倉之漕十行

溫詔

惟宮捐刻鏤之華四野熙春供億減輸將之額記法
廡於

屏底鏘洋黻佩之班禮嶽瀆以琮璜砰隱淵祥之氣
爰乃展隆儀而近

聖道範親承懋

謙德以尊師心源默契

賜琅函於秘府三閣雲連增髦士於黉宮四門風動第
鳧趨之嘉頌

授緗簡而薇省羅英嫺虎旅於承平

御玉帳而柳營講武榮分鯁粟尤殷

問歲於黃衣

寵賚旌題特重書年於絳老承歡

寶輦三章咏麟趾之仁送喜

璇宮五世衍螽斯之慶

時幾勅命封章勤答於

星廬

仁智歸懷篇什頻宣於

雲幄漱金壺而

濡翰琳琅騰七曜之輝秉瑤管以

摘文橐籥啟兩儀之秘

敬

天明理闡五十年兢業之神

體物愛民垂億萬載訓行之準蓋惟

古稀天子久於道而百度惟貞

首出聖人入其疆而兆民有慶

仁滂施茂符川岳之高深

典鉅儀崇竝日星之煥爛有事則先庚夙

駕匪惟舉以五年無私而令甲頌

恩洵足超乎百代編儲金匱光華燭牛斗之躔輯彙璣

囊矩範協乾坤之度有冊有典告於文人是經是

程歸於

皇極謹奉

五六巡之隆軌續成一百卷之新書體裁悉準乎前幘
帙有恢其朔宏綱鉅目玢璘錫

王會之圖合璧聯珠閭闔展

帝車之數紀休風於禹甸不數銀繩金薤之藏誌

渥慶於堯樽寶超玉璽靈書而上臣等識同窺管難以

繪天地之容智類挈瓶未易測滄瀛之量仰

鴻鈞之迭運新而又新欽

龍德之時乘旦兮復旦快編摩之就列慚挂漏之猶多

恭候

睿裁敬呈

御覽伏願

飭蘭臺而檢校

指示南針貯蓬觀以緇紬輝煌東壁從此就瞻靡懈遊
萬八千歲之春秋纂撰方新軼七十二家之紀載
介

純禧而益劬奏河清河晏以書祥慶

聖壽之無疆廣日升月恒而拜頌臣等無任瞻

天仰

聖踴躍歡忭之至謹奉

表恭

進以

聞

欽定四庫全書

欽定南巡盛典卷首下

凡例

一恭纂

南巡盛典前編成於乾隆三十三年始因原任兩江總

督臣高晉於

四巡旋蹕後輯書呈

覽所纂祇係江南一省經軍機大臣大學士臣傅恒等

奉

命校閱乃請以

幸浙諸大典與經過之直隸山東二省事系

南巡者令高晉等裒為一書於是薈萃成編分門十二

曰

恩綸曰

天章曰

蠲除曰河防曰海塘曰祀典曰

褒賞曰

額俊曰

閱武日程途曰名勝曰奏議凡百二十卷自辛未至乙

酉

四巡鉅典俱已敬謹臚載而庚子甲辰兩次

南巡各事宜則續纂於兩江總督臣薩載其書與高晉

所輯者別為一編雖體例相仿而未能畫一且程

途名勝各門又多與前編重複今臣等遵

旨合纂謹就前後兩編刪節其重複者整齊其未畫一者叅訂彙修期於賅備

一前編

呈進於辛卯之歲仰荷

御製序文冠諸卷首所以規吏職而軫民隱者無微不至而河工海塘關係江浙民生尤鉅是以定清口之水誌培柴塘之坦簍及一切河防隄牘自乙酉以前之

審畫固已著在

宸章至若新聞陶莊引河改築浙江石塘

咨諏籌度屢省乃成本於敬

天明理者則又備於

御製南巡記今恭錄以冠卷首仍敬列前編

御製序於次蓋一著

六巡要旨一為前編弁言並煥簡端益昭美善

一高晉薩載前後所纂各門並列

恩綸於第一

天章於第二蓋以

六龍將駕

天語先傳五禮既修

帝歌庸作用是釐為次第依類分編但臣等恭校

欽定諸書裒入四庫者稽其凡例類皆以

天章冠首今是書彙纂進

呈伏俟

欽定後即繕帙裝函歸於四庫自應改從畫一爰敬錄
天章於各門之首而謹輯

恩綸以繼之

一高晉等所輯

天章均以薈萃

篇題卷帙宏富為主臣等伏思

御製諸集臚載大全久已昭播寰區炳如星日是編為
省方盛典與

御集體例有別恭繹

南巡記以敬

天法

祖為懷凡翕河莫海察吏安民無時不上厯

宸衷屢形

吟咏今具於卷內敬謹繕錄此外則凡

巡蹕經臨之處名區勝跡法戒所關亦依次編列臣等

敬誦

敷言主於

訓行奕禩不敢僅事抄謄故視原帙較為省約云

一高晉等所輯

天章於

御製詩外兼繕錄

御製文臣等恭讀

閱海塘記浙海神廟碑文陶莊河神廟碑記仰見

睿謨廣運

籌畫安瀾所以審事機乘時會盡人力以奠澤國民生
於康乂者大哉

王言洵可垂之久遠至若

鑒重修之侵冒則有荆山橋記訂千古之疑訛則有濟
水泮池廣陵茅山諸考證又宋孝宗論一篇摩泐

西湖

行宮者

宣示天子之孝不在承歡小節實萬世倫紀之數言雖

非專為

省方而作而觀民設教莫大於是臣等敬謹彙輯仍按
年依次編排聿光簡冊

一

恩綸奏議業已分為二門而
諭旨所頒敷陳所及有涉於
蠲除河防海塘祀典

褒賞

額俊

閱武各門者則分載於各門之內庶俾一事之本末釐然按條可考其各門內首錄

綸音自辛未迄甲辰按年臚載之後始繼以臣工奏牘依年附列體例賅詳有條不紊

一我

朝

重熙累洽凡深仁厚澤淪浹於閭閻者幾於日用而不

而

躬勤鑾輅彌復

念切民依免供頓之煩屏浮華之習

詔書屢下大吏訓行宜乎者庶望

幸之誠無時或已今謹裒輯

恩綸一門

惠此嘉師脩於

巽命矣至若增鑄泉幣以通財截留漕艘以裕食暨夫

青災肆赦咸予維新疊被

天恩尤為優渥而以篇帙無多未能分門專帙謹附載
於

恩綸亦事從其類云

一

恩綸

蠲除列為二門

恩綸備錄行慶施惠諸

德音

蠲除專載免逋減額諸

善政雖同為

膏澤下施而體例實各不相混其中亦間有詳略互見

者如

恩綸門載乾隆十六年二月初十日及二十二年四月

初六日兩次

上諭均及豁免籽種銀米之處而豁免

恩旨則已備見於

蠲除門蓋以

綸綍所頒事有兼及故恭錄時謹遵其舊若

蠲除所載則並無岐出

一

恩綸

褒賞兩門恭載

鑾輅經臨

恩施優渥

蠲租

賜復養老作人萬類芸芸春臺共上而自扈從王公大臣以逮封疆大吏則時拜白金文綺之

賜文武官弁又咸沾加級開復之

恩且晉銜食俸而耆舊無不蒙庥

賜秩

予銓而廢員咸思感奮恤窮經於皓首特奏科名體趨

事於戎行益敷

優賚下及綱戶水手誼効烝徒亦靡不上厓

宸懷隨時

頒賜

湛恩周溥

六巡所同載筆敷宣難名

高厚各門中欽遵奉

旨月日依次謹載分年不再分類以昭

皇上涵覆萬有一視同仁之

至意

一治河本末具詳

諭旨及諸臣敷奏中我

皇上相度機宜

指授方畧凡規制全河者固已瞭如指掌然按古來地

理之書山川都邑非圖不明故如漢三輔黃圖唐

元和圖志舊皆有書有圖而唐宋州郡之志亦多

以圖經為號況黃河源遠流駛挾沙而行自會淮
以後宣防濬洩因勢異宜誠非擬議所能懸定曩
者河臣稟承

聖畫節宣利導皆經繪圖具說恭候

睿裁而乾隆四十二年

命改遷陶莊引河開放以來大溜暢達既免黃流倒漾
之虞兼收清水刷沙之益實為治河一大關鍵時

河臣具圖呈

覽往復

指示尤所謂握要執樞利普萬世者矣今恭輯河防凡
清黃湖運諸水堤堰壩閘各工悉据修治以後形
勢繪圖附于本門之末而修治端委則每圖撮叙
要凡綴為圖說用俾爽若列眉按籍如覩至列圖
先後次第一仍前編次編之舊蓋高晉薩載皆任
河臣所叙固有條貫無容更訂

一治河尤厘

睿慮臣等伏見

聖謨訓示次第施行俾澤國生民永資利濟者至詳且備惟是各門體例唯有闕于

慶典者始行裒錄故事非

巡幸之年多略而不載若河防所錄

諭旨及河臣敷奏或有在

巡幸之年先後者則所以脩修治之始末且足以見

聖主宵旰勤求無時不以宣防為念而法

祖勤民之盛軌尤極臻茲美脩云

一海塘為浙西巨工衛池湟而厚土穀利至溥也
列代屢有捍衛之方我

朝累洽重熙民生庶富

聖祖仁皇帝親臨指示并

命巡撫朱軾創建大石塘五百丈

世宗憲皇帝復命改建魚鱗大石塘

詔諭屢頒至為周脩我

皇上軫念海疆時勤

法駕既已陸續排椿捷石兼定歲修柴塘添建坦水復以老鹽倉一帶柴塘究不如石塘之鞏固悠久而民間日用柴薪採買太多亦易滋昂貴

申命守臣易柴以石凡四千二百丈至四十八年告成旋奉

諭旨范公塘亦須改建石塘俾老土塘以外頭圍以內徧野桑麻悉成沃壤而海塘全局經制精詳瀕海

蒼生從此永資樂利是

兩朝求寧求莫之

貽謀皆

皇上善繼善述之

鴻緒舉凡

指示規模應自初次

南巡為緣起前建各工則謹附於圖說至范公塘石工

改建雖在

六巡旋蹕之後而

諭旨兩頒功成不日謹依次載入用昭溥惠海壖有加
無已之

至意

一海塘沙水情形向例兩月繪圖恭

進近則按月

奏報誠以潮隨月盛時有盈虛坍漲靡常難以蠡測
我

皇上念切黎元勤求宵旰圖陳

黼座庶幾仰慰

聖懷乾隆十二年中小壘一夕開通南北塘外漲沙綿
遠咸卜安瀾之慶嗣緣水勢仍向北趨以致屢煩
審畫迨塘工石壩以次興修即潮水有時逼塘而護沙
旋復增長沙水情形歲難預定謹就四十九年春
宸矚所及繪圖附說以志

聖人洞燭先幾隄防盡善并預為將來水復中壘之佳

兆鱗塘石坦等圖並附至工料確數浙省別有海塘志茲不繁叙

一程塗恭載

鑿蹕所經山澤川源若指諸掌法軒轅營衛之義畧周官桎杙之文

龍舩中流歡騰夾道誠

光被之極則也謹按道里遠近六次約畧相同而

行宮

大營以四十九年為準其視前五次間有改設之處則
脩列簡編以資稽考若夫

視河則高堰也孫家集也老壩口也

臨莅非一時

法駕紆迴至為周悉

觀海則三十年四十五年四十九年皆自石門之迎薰
館進何家橋至海寧州尖山經大石塘而後達杭
州省城先務為急視前三次程塗有別焉

翠罕經繇均宜敬謹臚叙以昭
聖天子勞心利濟永慶安恬之

盛軌至於

躬詣

禹陵思深明德

親奠

闕里典肅宮牆有一至數至之殊而南鎮東山允宜
脩載以及

拈香

秦岱免搭天橋或舉於

省方之始或行於

旋蹕之時亦就泰安途徑分晰聲叙用著

懷柔之極致謹將高晉薩載等前後編載諸說叅酌彙

纂俾免複漏用志吉行

一江浙固多名勝而

時巡展義匪事游觀屢蒙

誠諭有司所經名區勝蹟祇就舊有規模掃除葺繕斷
不可稍涉浮靡致煩民力

聖訓嚴飭至再至三業於

天章

恩綸二門敬謹脩錄是

宸覽之所

垂注者惟在井里恬熙田疇豐茂不在名勝之踵事增

華也但福地神輦欣逢

六飛臨莅慶輝所燭炳耀方輿斯誠山川之厚幸矣高
晉等所纂名勝一門揆諸周官誦訓所掌巡狩夾
車之義亦未始非

盛典攸闕臣等薈萃諸說用附方志之義俾林蠻勝景
胥得仰被

光榮焉

一朝岳有明堂之建觀風為行殿之名自古從屬
車而操簡筆者類皆備誌珍臺璇館揚厲侈陳而

我

國家所謂

盛典者初不在是仰惟

六巡江浙法

祖攸行崇實黜華悉歸儉約自燕趙而齊而魯

鑾輿所憩大率平陸高原則僅如周禮之設幄張氈供
其舍事即或葺為數椽之屋亦俱樸畧無文至於
江浙之間如揚州

行宮則在天寧寺之石江寧棲霞

行宮則在中峯之在杭州西湖

行宮則在聖因寺之右蓋東南名勝梵宇雲連本多莊

嚴閣敞恭值

翠華臨幸為大吏者每就琳宮勝地少加修治以肅觀
瞻而實則未嘗特建臣等恭輯

盛典若專列

行宮一門殊乖紀實之體謹志修葺大畧附見於名勝

云

一哀輯

盛典每門皆以六次

南巡按序續編然如

恩綸

蠲除河防海塘祀典

褒賞

籲俊

閱武奏議諸門逐條皆冠有年月開卷瞭然固不必於
每卷首注明何次

南巡唯

天章則不可概以此例故謹於每卷首標題下旁注支

干如初次

南巡則注辛未字二次注丁丑字三次至六次倣此庶
幾簡明以便稽檢而

鑾輅所臨又可按地恭載並於每卷首附注直隸山東

江南浙江等字焉

